


Bibilia ya watoto Inawalettea

Miaka Arobaini



Kimeandikwa na: Edward Hughes
Kimeorodheshwa na: Janie Forest; Alastair Paterson


Imerekebishwa na: Lyn Doerksen
Kimetafsiriwa na: Bethel Children's Home,
Kisumu, Kenya and Emmanuel Menya
Kimedhibitishwa na: Bible for Children

www.M1914.org
BFC
PO Box 3
Winnipeg, MB R3C 2G1
Canada

©2022 Bible for Children, Inc.

License: Kuna ruhusa ya kuchapa hadithi hii, lakini bila ya kuuza.


1




Mungu alipowaokoa Waisraeli kutoka Misri, Musa akawaongoza watu katika kuabudu. Akatunga wimbo wa sifa. "Nitamwambia BWANA kwa kuwa ametukuka sana." Musa akaimba matendo makuu yote Mungu aliyowafanyia Israeli.

Haleluya!

Utukufu kwa Mungu!




2



Baada ya siku tatu jangwani watu wenye kiu wakapata maji. Lakini hawakuweza kunywa maji machungu. Badala ya kuomba, wakanung'unika. Mungu akawahurumia.


Akayaponya maji yakafaa kunywa.

3



Ikawa kama watu wananung'unikia kila kitu. Wakalia, "Tulikuwa na chakula Misri. Jangwani tutakufa kwa njaa." Usiku huo Mungu akatuma ndege wanaoitwa kware. Watu wakawakamata kirahisi.


4



Asubuhi iliyofuata Mungu akatuma mana. Ilikuwa aina ya mkate wenye ladha kama biskuti za asali. Kila asubuhi mana zilikuwa


ardhini kwa ajili ya kuokotwa. Kwa njia hii Mungu aliwalisha watu wake jangwani.

5



Walitakiwa kumtumaini Mungu kila siku kwa ajili ya chakula kipya. Lakini wengine wakakusanya mana ya ziada, ingawa Mungu alisema itaoza ikisazwa hata asubuhi.

6



Kama ilivyokuwa imenenwa, mana ya jana ikaingia mabuu -isipokuwa katika siku ya Sabato. Katika siku ile maalum ya saba watu walipumzika na kula mana ya jana.


7



Mungu aliwalea Waisraeli jangwani. Aliwapa chakula na maji - na kuwalinda dhidi ya maadui zao.


Waamaleki walipowashambulia, Israeli waliendelea kushinda vita kadiri Musa alivyo inua fimbo kwa Mungu.

8



Mungu aliwaambia Waisraeli, "Mkitii sauti yangu mtakuwa watu wangu hasa." Watu wakamwambia Musa, "Yote anayotuamuru Mungu tutayafanya." Wakakabili Mlima Sinai na kumngoja Musa alipoenda kukutana na Mungu.

9



Musa alikuwa pamoja na Mungu kwa siku arobaini. Mungu aliandika Amri Kumi kwenye vipande vya mawe. Alimwambia jinsi anavyotaka watu Wake waishi.

10

1. "Usiwe na miungu mingine ila mimi."
2. "Usijifanyie wala kusujudia sanamu ya kuchonga."


3. "Usilitaje bure jina la BWANA."
4. "Ikumbuke siku ya Sabato, uitakase."
5. "Mheshimu baba yako na mama yako."

11

6. "Usiue."
7. "Usizini."
8. "Usiibe."


9. "Usishuhudie uongo."
10. "Usitamani."

12



Wakati Musa akiwa pamoja na Mungu juu ya Mlima Sinai Waisraeli wakafanya jambo baya sana. Walimuagiza Haruni atengeneze ndama wa shaba - wakamuabudu badala ya Mungu. Mungu akakasirika sana. Na Musa pia akakasirika.

13



Musa alipoona ndama na watu wanacheza, akazitupa mbao chini akazivunja. Kwa hasira Musa akaiharibu sanamu ya dhahabu. Watu waovu walioiabudu wakauawa.

14

Mungu akatoa mbao zingine mbili za mawe. Akamwambia Musa ajenge hema - hema kubwa lenye uzio kulizunguka - ambapo Mungu atakaa na watu Wake. Wamuabudu Mungu mahali hapo. Nguzo ya wingu na moto ilionyesha kwamba Mungu alikuwa pamoja nao.



15

Walipokaribia Kanani, Musa akatuma wapelelezi kumi na wawili ili kuona nchi ambayo Mungu aliwaahidi watu Wake. Wapelelezi wote walikubali kwamba ni nchi nzuri! Lakini wawili tu, Yoshua na Kalebu, ndio waliamini wangeweza kushinda na kumiliki nchi hiyo kwa msaada wa Mungu.



16

Wapelelezi wengine kumi waliogopa miji imara na majitu yaliyopo katika nchi. Waliomboleza wakisema, "Hatuwezi kuimiliki nchi hiyo."



17

Walisahau matendo makuu ya Mungu aliyotenda katika kuwaweka huru kutoka Misri.

Watu wakawafuata wapelelezi kumi wasioamini. Wakalia na kujiandaa kurudi Misri. Hata wakajaribu kumuua Musa! Mungu akaokoa uhai wa Musa. Kisha akawaambia watu, "Kwa miaka arobaini mtazunguka jangwani. Kalebu tu na Yoshua, na watoto wenu wataishi ili kuingia nchi mliyoidharau."



18

Miaka Arobaini

Hadithi kutoka kwa Neno la Mungu, Biblia,

inapatikana katika

Kutoka 15 hadi Hesabu 14

"Kufafanusha maneno yako kwatia nuru."
Zaburi 119:130

19



12



60 20

Hii hadithi ya bibilia inatueleza kumhusu Mungu wetu wa ajabu aliyetuumba na anayetaka tumjue.

Mungu anajua tumetenda mambo mabaya, anayoyaita dhambi. Adhabu ya dhambi ni mauti, lakini Mungu anakupenda sana hata akamtuma mwana wake wa pekee, Yesu, Ili afe msalabani na aadhibiwe kwa dhambi yako. Alafu Yesu akafufuka na kuenda nyumbani mbinguni! Ukimwamini Yesu na kumwomba msamaha kwa dhambi yako, Atakusamehe! Yesu atkuja na kuishi ndani yako, na utaishi naye milele.

Kama unaamini huu ni ukweli, Sema haya kwa Mungu: Mpendwa Yesu, ninaamini kuwa wewe ni Mungu, na ulifanyika mtu ili ufe kwa ajili ya dhambi zangu, ili niwe na maisha mapya, na siku moja nitaenda kuwa nawe millele. Nisaidie nikutii na niishi kwa ajili yako kama mtoto wako. Amina.

Soma bibilia na uzungumze na Mungu kila siku! Yohana 3:16